



RVK-8967 Tilkynning um stjórnsýslukæru nr_37_2025_

Búið til	14.3.2025 10:54:01
Höfundur	Hera Elfarsdóttir Linnet
Móttekið dags.	14.3.2025 10:13:40
Tilheyrir	USK25030185 - Kæra nr 37/2025 - Kæra vegna útgáfu starfsleyfis Skotveiðifélag Reykjavíkur og nágrennis

Efni

RVK-8967 Tilkynning um stjórnsýslukæru nr_37_2025_
--

Upplýsingar		Vinnsla	
Móttekið dags.	14.3.2025 10:13:40	Staða	Innflutt
Eigandi		Tímamörk	
Málalykill	08.14.04 Leyfisveitingar		
Lykilorð			

Þátttakendur

Frá	Upplýsingar - Pósthólf Síma-ver (upplýsingar@reykjavik.is)
Til	skjalastyring@reykjavik.is

Innihald

T

uua@uua.is has just sent this issue

Reykjavík / RVK-8967

Tilkynning um stjórnsýslukæru nr. 37/2025.

Tryggvi - Í dag 10:13

Daginn

Áframsent.

Kveðja,
Tryggvi,
þjónustufulltrúi,
Reykjavíkurborg

Description:

Góðan dag.

Meðfylgjandi er afrit stjórnsýslukæru, móttekin 13. mars 2025 ásamt fylgigögnum, þar sem kærð er ákvörðun Heilbrigðiseftirlits Reykjavíkur frá febrúar sl. um að gefa út starfsleyfi til Skotveiðifélags Reykjavíkur og nágretnis fyrir rekstri skotvallar í Álfnsnesi.

Vegna framkominnar kæru er farið fram á að úrskurðarnefndin fái í hendu gögn er málið varða og er stjórnvaldi jafnframt gefið kostur á að skila um í málinu **innan 15 daga frá dagsetningu þessarar tilkynningar**, en hæ að óska eftir 15 daga viðbótarfresti, sbr. 5. mgr. 4. gr. laga nr. 130/2011 u úrskurðarnefnd umhverfis- og auðlindamála.

Óskast staðfest um móttöku.

Með kveðju,

f.h. nefndarinnar

Ólöf

Harðard

óttir,

skrifstof

umaður

Úrskurðar

nefnd

umhverfis

-og

auðlinda

mála

Borgartún

i 21, 105

Reykjavík

<https://eur01.safelinks.protection.outlook.com/?url=https%3A%2Fwww.stjornarradid.is%2Fum-vefinn%2Fum-abyrgd-a-tolvupemail-disclaimer%2F&data=05%7C02%7Cupplysingar%40reykjavik.is%7Cd73b94ae7cb84320c9d562d7e5b5%7C6aed0be3a6ff4c6c83b5bb72bdd10088%7C0%7C0%7C63877540176922463CUnknown%7CTWFpbGZsb3d8eyJFbXB0eU1hcGkiOnRydWUsIlYiOiIwLjAuMDAwMCIsIlAiOiJXaW4zMFOljoITWFpbClldUljoyfQ%3D%3D%7C0%7C%7C%7C&sdata=zsErdSgDwZNrfooKGaeoOTTOYyliRmCZtyFi4Ug%3D&reserved=0>

, Iceland
Sími /
Tel:
(+354)
5758710
www.uua.is - [
Fyrirvari/
Disclaime
r



Vinsamlegast hugið að umhverfinu áður en tölvupósturinn er prentaður o
samgöngumáti er valinn.

Please consider the environment before printing and choosing transport.

Vinsamlegast svaraðu viðkomandi á eftirfarandi netfang: uua@uua.is

This email was sent by the [Email This Issue](#) Cloud addon

Reglur um trúnað í tölvupóstsamskiptum: <http://www.reykjavik.is/trunadur>

Leiddu hugann að umhverfinu áður en þú prentar út þennan tölvupóst.
Prentaðu á báðar hliðar í svarthvítu ef nauðsyn krefur.

Við eigendur á landi og steyptu húsi sem var byggt 1944 í Kollafirði kærur ákvörðun Heilbrigðiseftirliti Reykjavíkur um að gefa út starfsleyfi til Skotveiðifélags Reykjavíkur og nágrennis fyrir rekstri skotvallar í Álfnesi. Þetta er örugglega níunda bráðabirgðarleyfi sem HER gefur út fyrir hönd skotsvæðana á Álfnesi. HER hefur aldrei hlustað á okkur íbúa en lagt mikla vinnu við að berjast á móti okkur réttindum. HER hefur lagt sig alla fram síðustu 17 ár að villa um fyrir íbúum og landeigendum og matreiða niðurstöður til að halda skotsvæðunum eða öllu heldur einu sterkustu hagsmunasamtökum á Íslandi, skotsvæðin á Álfnesi.

Við viljum undirstrika að við erum að kæra að HER hefur ekki séð til þess að tryggja séu hljóðvarnir sem íbúar og landeigendur hafa kvartað yfir síðustu 17 ár. Skipulagsstofnun setti það inn sem landnotkunarákvæði að HER sæi um að hljóðvarnir yrðu tryggðar. Staðreyndin er sú, að hljóðvarnir hafa ekki nú frekar en síðustu 17 verið tryggðar. Við viljum undirstrika að það er okkar kæra. Okkur þykir mikilvægt að það komi fram þar sem við efumst um að UUA hafi lesið síðustu kæru okkar miðað við þann úrskurð sem þar kom fram.

Ástæðan fyrir því að HER hefur ekki tryggt hljóðvarnir er einföld, það er ekki hægt að tryggja hljóðvarnir á Álfnesi. Það er ekkert sem dempar hljóð toppana nema Esjan sem síðan bergmálar hljóð toppana meðfram henni allri. Allir verktakar sem hafa tjáð sig um skotsvæðin á Álfnesi hafa allir verið sammála um einn hlut, að ekki væri hægt að velja verri staðsetningu fyrir skotsvæðin hvað hljóðmengun varðar.

HER hefur alltaf notast við sænska mæliaðferð sem er notuð til að mæla meðal hávaða frá t.d. lónaðarsvæðum og umferðarhávaða. Þar sem hávaða toppurinn er þurrkaður út. Þetta er gert til þess að ef einhver bíll flautar eða hrafn sest á staur sem mælirinn er staðsettur á og krúnkar þá eyðileggur hann ekki mælinguna. Það er ástæðan af hverju allir hávaða topparnir eru þurrkaðir út. Þegar verið er að mæla skot hávaða þá ertu einungis að mæla hávaða toppa (peaks)

Svo staðreyndin er þessi, HER hefur komist upp með það að gera falsmælingar í 17 ár og selt öllum þá lýgi t.d. ykkur hjá uua og fengið starfsleyfið fyrir hagsmunahóp sem þau vernda. Og þar af leiðandi fá að halda áfram að brjóta á okkar mannréttindum. Þetta er sama fólk sem er borgað af skattgreiðendum til þess að vernda borgarbúa fyrir mannréttindabrotum t.d. Hljóðmengun, loftsmengun osfrv. Þetta hafa þau hjá HER komist upp með í 17 ár og allir stinga hausnum í sandinn. HER hefur aldrei framkvæmt löglegar hljóðmælingar á Álfnesi. Þau segja að þetta er allt lýgi og vitleysa og komast upp með það. Við höfum margsinnis látið verkfræðinga/verkfræði fyrirtæki sem sérhæfa sig í hljóðmælingum mæla hljóðmengun hjá okkur. Þeir sem mæla hljóðin hjá HER eru einstakl sem hafa í besta falli farið á námskeið í hljóðmælingum. Sem er frábært fyrir HER þá geta þau haldið áfram að gera falsmælingar og engin skilur upp né niður.

Mikilvægt er að lesa þennan póst sem Ólafur hjá trivium sendi Gunnari Alexander hjá UST það segir alla söguna og einnig hlusta á Guðjón Eggertsson hjá HER viðurkenna allt sem við erum að segja ykkur. [Hljóðmælingar HER Álfnes on Vimeo](#)

From: Ólafur Hjálmarsson [REDACTED]

Sent: Tuesday, January 12, 2021 9:15 PM

To: Gunnar Alexander Ólafsson [REDACTED]

Subject: Skotsvæði í Álfnesi - Hljóðmælingar og viðmiðunarmörk

Heiðraði Gunnar Alexander

Gleðilegt ár og takk fyrir ánægjuleg samskipti á liðnum árum.

Ég sendi þér þetta erindi þar sem alvarlegur misskilningur virðist vera á ferðinni gagnvart skotsvæði í Álfnesi og áhrifum þess á nálæga byggð í Kollafirði m.t.t. hljóðvistar. Við hjá Trivium ráðgjöf höfum glímt um tveggja áratuga skeið við skotsvæði og kortlagningu á helsta áhrifasvæði þeirra m.t.t. hljóðvistar. Við höfum leitast við að gefa sveitarstjórnarmönnum sem allra best ráð til þess að forða átökum. Þar sem engar viðhlýtandi reglur eða reglugerðir eru um skotsvæði í íslensku regluverki höfum við stuðst við meðfylgjandi sænskar leiðbeiningar; sem við höfum talið með þeim bestu á Norðurlöndum; Buller från skjutbanor och skjutfält –Naturvårdverket. Ég hef sent þér þær áður. Hvorki gildandi reglugerð um hávaða nr.724/2008 né leiðbeiningar Umhverfisstofnunar um mæliaðferðir við hljóðmælingar vegna eftirlits frá mars2011 eiga við um skotsvæði. Þetta hef ég sömuleiðis nefnt við þig áður í tengslum viðendurskoðun á reglugerð um hávaða sem og meðfylgjandi athugasemdir sem ég setti fyrst fram íumboði Verkfræðingafélags Íslands árið 2007.

Skothvellir eru mjög snarpir og því þarf mælitími og viðbragð hljóðmælis, þ.e.a.s. tímastilling áhljóðmæli að endurspegla það með I stillingu (Impuls, 35 ms mælitími). Mælikvarðinn er eins og meðfylgjandi sænskt regluverk ber með sér dBAI. Þessi mælistika gefur best til kynna truflandi áhrif af skothvillum eins og sænsku leiðbeiningarnar bera með sér. Að velja S (Slow, 1000 ms mælitími) eða F (Fast, 125 ms mælitími) tímastillingu á hljóðmæli þegar skothvellir eiga í hlut er eins og að mæla vindhraða í °C. Mælikvarðinn er hreinlega rangur og villandi. Hljóðmælir á S og F tímastillingu missir af hávaðatoppnum og hann er fluttur út. Niðurstaðan er kolröng eins og meðfylgjandi hljóðmælingar Reykjavíkurborgar sýna. Það sést í samanburði við okkar hljóðmælingar. Meðfylgjandi eru stuttorðar skýringar á mismun þessara tímastillinga á hljóðmæli.

Ég sendi þér til samanburðar hljóðmælingar okkar í Kollafirði sem og kortlagningu helsta áhrifasvæðis skotsvæðisins í Álfnesi; þar sem skotstefna er til norðurs í leirdúfuskotfimi. Kortið tekur ekki tillit til hljóðendurkasts frá Esju og ætti því í raun að stækka. Helsta áhrifasvæði nær um 2 km út í skotstefnu og í 45° geira til hvorrar handar út frá henni; annars um 1 km út frá skotsvæði. Svæðið er skástrikað á myndinni. Innan þessa áhrifasvæðis ætti ekki að vera nokkur viðkvæm byggð s.s. útivistarsvæði, frístunda- og íbúðabyggð.

Meðfylgjandi hljóðmælingar okkar sýna hávaða frá skotsvæðinu í Álfnesi hátt yfir leyfilegum mörkum sænska regluverksins. Það var mér alveg ljóst, þar sem ég stóð við hljóðmælingar þann 19.10.2019, að aðstæður fyrir viðkomandi íbúa eru algerlega óboðlegar m.t.t. Hljóðvistar. Það er

synd að Reykjavíkurborg og Umhverfisstofnun hafi aldrei séð ástæðu til þess að leita til okkar með þetta mál; þann fjölda ára sem deilur hafa staðið. Hafa skal það sem sannara reynist.

Ég væri þakklátur, Gunnar, að þú staðfestir móttöku þessa erindis.

Með vinsemd og virðingu,

Ólafur

Ólafur Hjálmarsson, verkfr.

Borgartúni 20 105 Reykjavík

Sími / telephone:

Farsími / mobile:

Svo það er mjög mikilvægt fyrir úrskurðarnefndina að skilja að þessi tvö skotfélög hefðu aldrei fengið startfsleyfi til að byrja með á Álfsnesi, hefði HER farið eftir lögum og reglum hvað varðar hljóðmælingar. En við gerum okkur einnig alveg grein fyrir því að engar reglugerðir hafa verið settar á Íslandi er varðar hávaðamælingar fyrir skotsvæði, eins og er í öllum öðrum evrópulöndum. En vert er að athuga að HER hefur ítrekað sagt að þeir eru eingöngu að vinna eftir íslensku regluverki svo ekki er hægt að benda á þau. Það er mikilvægt að benda á, að út af sérkennilegum ástæðum er brottfallinn reglugerð um hávaða nr. 933/1999 í 1. gr. í viðauka undir kafla um reglur um hávaða utanhúss: „Ef upp koma tilvik þar sem þessar reglur ná ekki yfir, skal velja viðurkennda hávaðareglu sem stuðst er við í slíkum tilvikum í einhverju hinna Norðurlandanna.“ Sambærilegt ákvæði er ekki að finna í gildandi reglugerð um hávaða nr. 724/2008. Það er furðulegt að þessi reglugerð var tekin út ári eftir að skotfélag Reykjavíkur fékk aðstöðu á Álfsnesi og enginn getur útskýrt af hverju það var gert hvorki UST né HER. En hún var samt í gildi þegar HER var að taka hljóðmælingar til 2008 en af einhverjum ástæðum ákvað HER að notast við Metod för immissionsmätning av externt industribuller sem mælir ekki hávaða frá skotvöllum og engin hávaða viðmið eru til frá landbúnaðarsvæðum eða opnum svæðum í stað að fara eftir lögum og notast við reglugerð um hávaða 933/1999 í 1. gr og nota reglugerð hinna Norðurlandanna. HER ber að starfa eftir gildandi lögum og reglugerðum á Íslandi. Var það ekki gert við hljóðmælingar á Álfsnesi til ársins 2008 þegar reglugerð um hávaða nr. 724/2008 tók gildi. Í sænsku mæliaðferðinni Allmänna råd om buller från skjutbanor eru þau viðmið sem ekki eru að finna í íslensku regluverki. Eftir tvo áratugi af falsk mælingum þá loksins leiðbeinir UST HER að notast við mælaaðferðina Allmänna råd om buller från skjutbanor sama HER sem hafa í áratug sagt að þeir fara eingöngu eftir leiðbeiningum frá UST ákveða allt í einu að neita að fara eftir þeim leiðbeiningum frá UST og gefa frá sér yfirlýsingu” “HER telur, að höfðu samráði við lögfræðinga Umhverfis- og skipulagssviðs Reykjavíkurborgar, sem veita HER lögfræðilega ráðgjöf, að ekki sé hægt að byggja kröfur í starfsleyfi á mælingum framkvæmdum samkvæmt tilvísuðum sænskum leiðbeiningum þar sem ekki er vísað til þeirra í íslenskum lögum eða reglugerðum”.

Svo staðreyndin er þessi HER fór ekki eftir lögum, ef þau hefðu farið eftir lögum hefði skotsvæðin aldrei fengið starfsleyfi á Álfsnesi vegna hávaðamengunar. HER talar um að þau ætla að taka hljóðmælingar og þau eru búin að taka hljóðmælingar og pæling er að einangra skothús og breyta um skotstefnu, verkfæringar að reyna finna lausn osfrv osfrv. Staðreyndin er að þetta er allt bull og vitleysa, 17 ára gömul tugga sem HER hefur náð að selja öllum þeim sem vita ekkert um skotíþróttir, hljóðmælingar eða Álfsnesið, og nenna ekki að vinna vinnu sína og skilja hverjar staðreyndirnar eru. Það er enginn tilgangur að einangra eitt eða neitt því hljóðið kemur út úr byssuhlaupinu og byssuhlaupið er út úr skothúsum augljóslega. Hvað varðar skotstefnu þá er það ekki hægt nema að skjóta yfir veginn og á nýju Gauja sorpu bygginguna. En við verðum að viðurkenna HER og skotfélögin hafa náð að nýta sér leti og heimsku annarra á stórkostlegan hátt. Ef það þyrfti bara að breyta um skotstefnu og henda smá steinull á skothús til þess að tryggja hljóðvarnir Þá væri löngu búíð að gera að augljóslega. Guð minn almáttugur hversu mikil heimska og vitleysa þetta er allt orðið.

Við erum ekki að búast við miklu með þessari kæru, spilling er bara partur af lífinu hér á Íslandi. Þetta kerfi hefur margbrotið á okkar mannréttindum í Kollafirði í 17 ár. Rekið fjölskyldufólk af heimilum sínum með heilsuspillandi hávaða, Lagt fólk sem þorir að kvarta í lögfræði skuldir og keypt síðan af þeim húsin og selt aftur með kvöð um að ekki megi kvarta undan hávaða frá skotsvæðunum osfrv. Já nei við erum ekki að búast við einu eða neinu eftir okkar 17 ára reynslu en eitt er ekki hægt að horfa framhjá. Þetta kallast grafalvarleg spilling. Og allir þeir sem vinna í þessu kerfi sem hafa litið undan og grafið hausnum í sandinn í 17 ár eru sek um mjög alvarleg mannréttindabrot allavega hið minnsta gríðarlega vanrækslu í starfi.

Hér fyrir neðan eru nokkur skjöl sem sanna okkar málstað.

Skotsvæði á Álfsnesi

Trívium ráðgjöf

Hljóðmælingar við fristundabyggð og íbúðabyggð í Kollafirði

19.10.2019

Niðurstöður mælinga bornar saman við leyfilegan hávaða skv. meðfylgjandi sænskum leiðbeiningum ¹⁾

Haglabyssuskot

Staðsetning mælingar	Mæling nr.	LAlmax	Íbúðarbyggð - neðrimörk	Íbúðarbyggð - efrimörk	Útivistarsvæði - neðrimörk	Útivistarsvæði - efrimörk
Móavík - Fristundabyggð	1	85	65	70	60	65
Móavík - Fristundabyggð	2	86	65	70	60	65
Krummavík - Fristundabyggð	3	84	65	70	60	65
Krummavík - Fristundabyggð	4	81	65	70	60	65
Móaberg - Heilsárshús	5	72	65	70	60	65
Móaberg - Heilsárshús	6	60	65	70	60	65

Mæling nr. 8. Skotið úr haglabyssu á æfingasvæði. Mælt á sama stað og áður. Mæling hófst kl. 15:34 og stóð í tæpar 5 mínútur. Engin hlé gerð á mælingu. Ríkjandi umhverfishávaði var frá gosbrunni, skotæfingu og umferð á Vesturlandsvegi. Útprint hljóðmælis

```
-----
Bruel & Kjaer
SLM Type 2236
SETTINGS:
-----
F                20-100 dB
RMS: A           Peak: C
RECORD NO.: 8
-----
11 Sep 2002      15:34:24
Elapsed Time 0000:04:49
Pauses        0
Overload       0.0 %
MaxP           101.1 dB Hæsti hljóðtoppur 101 dB(A)
MaxL           78.2 dB
MinL           34.8 dB
Leq            52.2 dB => Jafngildishljóðstig 52 dB(A)
SEL            76.8 dB
LEPd (Te= 7h30) 51.9 dB
L5             49.0 dB
L95            36.5 dB
```

Mæling nr. 9. Skotið úr riffli á æfingasvæði. Mælt á sama stað og áður. Mæling hófst kl. 14:41 og stóð í tæpar 5 mínútur. Engin hlé gerð á mælingu. Ríkjandi umhverfishávaði var frá vinnuvélum á urðunarstaðnum. Útskrift hljóðmælis:

```
-----
Bruel & Kjaer
SLM Type 2236
SETTINGS:
-----
F                20-100 dB
RMS: A           Peak: C
RECORD NO.: 9
-----
11 Sep 2002      15:40:09
Elapsed Time 0000:01:35
Pauses        0
Overload       0.0 %
MaxP           97.5 dB = Hæsti hljóðtoppur 98 dB(A)
MaxL           74.5 dB
MinL           38.1 dB
Leq            50.0 dB => Jafngildishljóðstig 50 dB(A)
SEL            73.8 dB
LEPd (Te= 7h30) 48.9 dB
L5             47.0 dB
L95            36.5 dB
```

Stava S Steinaróttir

Þegar á neindina er lútt er það alar ámarkað svæði þar sem nætta er á opægindum frá þessum svæðum. Því ætti að vera auðveldara að grípa til aðgerða til að minnka hávaðamengun á þessum stöðum. Nauðsynlegt er að kynna fyrirhuguð æfingasvæði fyrir eigendum sumarbústaðarins og íbúum starfsmannabústaðar. Þegar reynsla er komin á notkun svæðana er hægt að grípa til aðgerða til að draga úr óþægindum. Meðal þess sem hægt væri að gera er að reisa skjólveggi og setja þrefalt gler í hús. Einnig er hægt að takmarka opnunartíma svæðanna.

Virðingarfyllst
f.h. Umhverfis- og samgöngusviðs Reykjavíkurborgar

Svava S. Steinarsdóttir
Heilbrigðisfulltrúi

Starfsemi skotvalla fylgir hávaði og ónæði. Í íslenskum lögum og reglugerðum eru ekki viðmið fyrir hávaða fyrir starfsemi af þessum toga. Íslenskar viðmiðunarreglur miða við jafngildishljóðstig (LAeq)

og gefur sá mælikvarði hugmynd um það heildarónæði sem af hávaða stafar. Sú mæliaðferð sem vísað er til í leiðbeiningum um mæliaðferðir við eftirlit (UST 2011) sem gefnar eru út í samræmi við ákvæði 11. gr. reglugerð nr. 724/2008 um hávaða, er ekki hentug til mælinga á hávaða frá skotvöllum. Það hefur HER bent á og tekið undir með öðrum sem hafa gagnrýnt mæliaðferðina og segja hana ekki gefa rétta mynd af hávaða frá skotvöllum. HER fær þó ekki séð að hægt sé að byggja kröfur í starfsleyfi á mælingum samkvæmt annarri mæliaðferð en þeirri sem vísað er til í leiðbeiningum sem gefnar eru út með stoð í reglugerð um hávaða. Á meðan ekki eru gerðar breytingar á regluverkinu fylgir HER þeim leiðbeiningum sem er að finna í núverandi regluverki. Hvað varðar tilvísun í eldri reglugerð um að styðjast skuli við viðurkennda hávaðareglu frá Norðurlöndunum komi upp tilvik sem reglur nái ekki yfir þá bendir HER á að UST sem yfirstofnun heilbrigðiseftirlits gaf ekki út aðra leiðbeiningu en að stuðst skyldi við viðmiðunarmörk í þágildandi hávaðareglugerð og þá staðla sem vísað var í skv. henni.

Telur Umhverfisstofun leiðbeiningar um mæliaðferðir frá 2011 nothæfar fyrir hljóðmælingar á skothljóðum frá skotvöllum? Ef já, hvers vegna? Að mati Umhverfisstofnunar eru leiðbeiningar um mæliaðferðir við hljóðmælingar vegna eftirlits, sem stofnunin gaf út árið 2011, fullnægjandi við eftirlit á hávaða frá atvinnustarfsemi, þmt. skotvöllum. Þessar leiðbeiningar hafa verið aðgengilegar eftirlitsaðilum við hljóðmælingar síðan þær voru gefnar út. Eftirlitsaðilar hafa stuðst við þessar leiðbeiningar við hljóðmælingar.

Hingað til hefur Umhverfisstofnun ekki fengið neinar rökstuddar ábendingar frá eftirlitsaðilum um að áðurnefndar leiðbeiningarnar um hljóðmælingar séu á einhvern hátt ófullnægjandi eða ekki í takt við tímann varðandi mælingar á hávaða frá skotvöllum. Aftur á móti fékk Umhverfisstofnun kvörtun frá íbúa í Kollafirði vegna hávaða frá skotvöllum Skotfélags Reykjavíkur í Álfsnesi. Í framhaldi af þeirri kvörtun fékk stofnunin ábendingu um að til væru sænskar leiðbeiningar um hávaða frá skotvöllum sem heita: Buller från skjutbanor og skjutfält.

Kvöð er um að starfrækt er skotæfingasvæði á Álfsnesi og geta þinglýstir eigendur ekki gert kröfu á hendur Reykjavíkurborg vegna hávaða frá skotæfingasvæðinu.

Til staðfestingar undrita kaupandi og seljanda kaupsamning þessum í viðbútt þröggu stundanna og þeirri tími þess þess yfir fjárhæð stöðu. Undirskrift þess er með því að undirskrift á kaupsamning þessum eru í fullu samræmi við 1. mgr. 64 gr. Kaupabrégs nr. 33/1963, um fjárhæðarstærð, bókun fjárhæðar, og samræmi af áttundugum.

Reykjavík, 25. október, 2015

Staður og dagsetning

Undirskrift seljanda og samþykkt mála

St. n.

K. L. J. J. J.



Undirskrift kaupanda

Eyþór Guðmundsson
Björnsson

Viðfarir af rétti dagsetningu, undirskrift og yfirlýsing aðli um fjárhæð

Nafn	Olafur B. Jónsson Lýðgættur fjárhæðarstjóri	Kennitala		Staður	
Nafn	Kr. 250 762 590 Fasteignir	Kennitala		Staður	

Kaupsamningur

009208



Ólafur B. Jónsson
Lýðgættur fjárhæðarstjóri
Súluferðastíð 10
101 Reykjavík
Sími: 5 959 955 / Fax: 5 959 955
Netfang: bjonni@bjonni.is

Selji	Kennitala	Hafnastími	Færsla	Hlutf.
Reykjavíkurborg	530269-7900	-	-	100.0%
Kaupandi	Kennitala	Hafnastími	Færsla	Hlutf.
Björn Jónsson Krisnbraut 19	181173-5139	-	691-7987	50.0%
Eyþór Guðmundsson Krisnbraut 19	190275-3300	-	-	50.0%

Dag. Kaupsamning	Dag. Afhandlun	Dag. Afhæð	Afþing	Þinggjafingartíð	Máttuðun Fjárh.
22.10.2015	25.08.2015	03.11.2015		22.10.2015	22.10.2015
Eigendur í hafi	Eigendur í hafi	Drutrygging Seljanda	Drutrygging Kaupanda	Færslugætt	Drutrygging
100%	100%	Tryggingamiðstöðin	Sjóð	43.950.000 kr.	45.186.000 kr.

Lýsing
Lundhúsi
175091
Færsla
225-5656
Háttuðun í skýrðri dag
22.05.2015

Einbýlishúsið Skrifu, hæðarúmr 225-5656, merkt 01-01-01, (landhúsi 175091), 116 Hjalarnesi, Reykjavík, ásamt bláskír merktur 02-01-01 og öllu sem fylgir og fylgi þess, að engu undanskildu, þ.m.t. löðunastíðni, sjá skjal merkt 411-000544/1995.

Eftirskráð: (Þinglýst skjal)
Yfirlýsing sjá skjal 411-000106/1996
Yfirlýsing sjá skjal 411-S-002832/2004

Kvöð er um að starfrækt er skotæfingasvæði á Álfsnesi og geta þinglýstir eigendur ekki gert kröfu á hendur Reykjavíkurborg vegna hávaða frá skotæfingasvæðinu. Reykjavíkurborg samþykkir að greiða kr. 100.000,- fyrir tekulíngir af húsinu og skal það dregið frá afsalsgreiðslu. Kaupandi mun annast að hlaða til verkana og þó að kostnaður verði hæmt þá er greiðsla Reykjavíkurborgar endanleg fyrir tekulíngirinnu.

Samþykktir eru kr. 40.000 í atviki af kaupverði vegna þess að húsinu en miðað er við að kaupendur sjá um þess.

Húsið er sett í háttarandi ástandi sem kaupendur hafa kynnt sér og geta ekki áttuðum við.

INNFAERT

27. Nóv. 2015

Skjal B
Móttakið til þess - lýsingar

24. Nóv. 2015

Heilbrigðiseftirlit Reykjavíkur
Borgartún 12-14
105 Reykjavík

Akureyri, 11. mars 2022
UST202202-218/S.K.
06.04.08

Efni: Fyrirspurn - leiðbeiningar um hávaðamælingar við skotvelli

Visað er til erindis Heilbrigðiseftirlits Reykjavíkur (HER), dags. 17.2.2022, þar sem óskað er eftir leiðbeiningum frá Umhverfisstofnun um val á aðferðafærði við hljóðmælingar vegna starfsemi skotvalla þar sem ekki að finna viðmið fyrir slíka starfsemi í íslensku regluverki.

Tveir skotvellar hafa verið starfræktir í Álfnesi, á svæði heilbrigðiseftirlits Reykjavíkur. Í gengum árin hafa borist mikið af kvörtunum vegna hávaða frá starfseminni. Árið 2021 voru auglýstar tillögur að nýjum starfsleyfum fyrir báða vellina og bærust athugasemdir við báðar tillögurnar er vörðuðu hávaða frá starfseminni. Í þeim var m.a. vitnað í hljóðmælingar sem íbúar hafa látið framkvæma sem byggja á sænskum leiðbeiningum um hljóðmælingar frá skotvöllum. Gagnrýnt hefur verið, í andmælum við tillögur að starfsleyfum, að HER hafi ekki notast við hljóðmælingar sem eru sérstaklega gerðar fyrir skotvelli. HER hefur bent á að ekki sé fjallað um sérstök viðmið fyrir hljóðamælingar frá skotvöllum í íslenskum lögum og reglugerðum né sé fjallað sérstaklega um þau í leiðbeiningum Umhverfisstofnunar um hljóðmælingar.

Engin starfsemi er á skotvöllumum í dag þar sem útgefin starfsleyfi frá 2021 voru kærð til úrskurðanefndar umhverfis- og auðlindamála sem felldi þau úr gildi, á grundvelli skipulags á svæðinu. Í úrskurðinum er ekki tekin afstaða til hljóðmælinga. Tekið hefur gildi nýtt aðalskipulag fyrir Reykjavík og á grundvelli þess hefur HER borist umsókn um nýtt starfsleyfi fyrir annan skotvöllinn.

Samkvæmt 11. gr. reglugerð 724/2008 um hávaða skal Umhverfisstofnun í samstarfi við önnur stjórnvöld gefa út leiðbeiningar um mæliaðferðir við hljóðmælingar vegna eftirlits. Umhverfisstofnun telur rétt að HER noti sænskar leiðbeiningar fyrri hljóðmælingar frá skotvöllum við eftirlit, þ.e. *Allmänna råd om buller från skjutbanor* sem gefnar eru út af Naturvårdsverket.

Virðingarfyllst,

Steinunn Karlsdóttir
sérfræðingur

Sigrún Ágústsdóttir
forstjóri

Athugasemd Heilbrigðiseftirlits Reykjavíkur (HER): Að ígrunduðu máli og að höfðu samráði við lögfræðinga telur HER að ekki sé hægt að byggja kröfur í starfsleyfi á tilvísuðum sænskum leiðbeiningum þar sem ekki er stöð í íslenskum lögum eða reglugerðum fyrir notkun þeirra.

Athugasemd Heilbrigðiseftirlits Reykjavíkur (HER): Að ígrunduðu máli og að höfðu samráði við lögfræðinga telur HER að ekki sé hægt að byggja kröfur í starfsleyfi á tilvisuðum sænskum leiðbeiningum þar sem ekki er stöð í íslenskum lögum eða reglugerðum fyrir notkun þeirra.

Fylgiskjal 3 -



UMHVERFIS
STOFNUN

Heilbrigðiseftirlit Reykjavíkur
Borgartún 12-14
105 Reykjavík

Alþingeyri, 11. mars 2022
UST202202-2185
06.0

Efni: Fyrirspurn - leiðbeiningar um hávaðamælingar við skotvelli

Viðað er til erindis Heilbrigðiseftirlits Reykjavíkur (HER), dags. 17.2.2022, þar sem ós er eftir leiðbeiningum frá Umhverfisstofnun um val á aðferðabærði við hljóðmælingar vegna starfsemi skotvalla þar sem ekki að finna viðmið fyrir slíka starfsemi í íslensku reglugerðum.

Tveir skotvellar hafa verið starfræktir í Álfnesi, á svæði heilbrigðiseftirlits Reykjavíkur, gengum árin hafa borið mikið af kvæðunum vegna hávaða frá starfsemiinni. Árið 2021 voru auglýstar tillögur að nýjum starfsleyfum fyrir báða vellina og bárust athugasemdir við báð tillögurnar er vörðugu hávaða frá starfsemiinni. Í þeim var m.a. vitnað í hljóðmælingar sem íbúar hafa látið framkvæma sem byggja á sænskum leiðbeiningum um hljóðmælingar skotvöllum. Gagnrýnt hefur verið, í andmælum við tillögur að starfsleyfum, að HER, ekki notast við hljóðmælingar sem eru sérstaklega gerðar fyrir skotvelli. HER hefur þó að ekki sé fjallað um sérstök viðmið fyrir hljóðmælingar frá skotvöllum í íslenskum lögum og reglugerðum né sé fjallað sérstaklega um þau í leiðbeiningum Umhverfisstofnunar hljóðmælingar.

Engin starfsemi er á skotvöllumum í dag þar sem ótæfni starfsleyfi frá 2021 voru kærð úrskurðarnefndar umhverfis- og auðlindamála sem felldi þau úr gildi, á grundvelli skipulags á svæðinu. Í úrskurðinum er ekki tekið afstaða til hljóðmælinga. Tekið hefur gildi aðalskipulag fyrir Reykjavík og á grundvelli þess hefur HER borið umsókn um starfsleyfi fyrir annan skotvöllinn.

Samkvæmt 11. gr. reglugerð 724/2008 um hávaða skal Umhverfisstofnun í samstarfi önnur stjórnvöld gefa út leiðbeiningar um mælingar við hljóðmælingar vegna eftir Umhverfisstofnun telur rétt að HER noti sænskar leiðbeiningar fyrir hljóðmælingar skotvöllum við eftirlit, þ.e. *Almannanna ráð um bullar frá skjutbanar* sem gefnar eru af *Naturvæðisverket*.

Virðingarfyllt,

Steinunn Karlisdóttir
sérfræðingur

Sigrún Ágústsdóttir
forstjóri

Athugasemd Heilbrigðiseftirlits Reykjavíkur (HER): Að ígrunduðu máli og að höfðu samráði við lögfræðinga telur HER að ekki sé hægt að byggja kröfur í starfsleyfi á tilvisuðum sænskum leiðbeiningum þar sem ekki er stöð í íslenskum lögum eða reglugerðum fyrir notkun þeirra.

Geirþur Láruson
Díra Smíð



Úrskurðarnefnd umhverfis- og auðlindamála
Borgartúni 21
105 Reykjavík

Reykjavík 25. apríl 2025.

Efni: Umsögn Heilbrigðiseftirlits Reykjavíkur um mál nr. 37/2025 þar sem kærð er ákvörðun Heilbrigðiseftirlits Reykjavíkur um að gefa út tímabundið starfsleyfi fyrir starfsemi Skotveiðifélags Reykjavíkur og nágrennis sem samþykkt var á 1817. afgreiðslufundi heilbrigðiseftirlits Reykjavíkur þann 13. febrúar 2025.

Með tölvupósti dags. 14. mars 2025 framsendi Úrskurðarnefnd umhverfis- og auðlindamála (hér eftir úua) ofangreinda kæru í máli nr. 37/2025 til Heilbrigðiseftirlits Reykjavíkur (hér eftir HER) og óskaði að HER léti úrskurðarnefndinni í té þau gögn er málið varðar og var HER jafnframt gefinn kostur á að tjá sig um efni kærunnar.

Málsatvik:

Þann 30. júlí 2024 sendi Skotveiðifélag Reykjavíkur og nágrennis (hér eftir Skotreyn) með tölvupósti umsókn um starfsleyfi fyrir starfsemi félagsins, dags. sama dag, ásamt greinargerð, einnig dags. 30. júlí. Bakhlið umsóknareyðublaðsins barst með tölvupósti dags. 31. júlí. HER staðfesti móttöku umsóknar og greinargerðar með tölvupósti dags. 12. ágúst. Í tölvupóstinum var farið yfir greinargerð Skotreyn og viðbrögð HER við henni. Athugasemdir HER vörðuðu einkum fjóra þætti í greinargerðinni, þ.e. opnunartíma svæðisins, tillögu um að vinna greiningu á árangri þeirra aðgerða að snúa skotstefnu á völlum Skotreyn til hávaðamildunar, áhættugreiningu vegna mengunar í jarðvegi og að Skotreyn þyrfti að gera grein fyrir áhrifum starfseminnar á vatn/vatnshlot sbr. skilyrði í aðalskipulagi Reykjavíkur 2040 (hér eftir AR2040). Móttaka á umsókn Skotreyn var auglýst á vefsvæði HER <https://reykjavik.is/heilbrigdiseftirlit/motteknar-umsoknir-um-starfsleyfi> 1. ágúst 2024, sbr. ákvæði í 6. gr. reglugerðar nr. 550/2018 um losun frá atvinnurekstri og mengunarvarnareftirlit.

Þann 12. ágúst 2024 óskaði HER eftir umsögn skipulagsfulltrúa um það hvort starfsemin væri í samræmi við skipulag, sbr. ákvæði 6. gr. rg. nr. 550/2018. Umsögn dags. 5. september 2024 barst HER 9. september. Í umsögn skipulagsfulltrúa kemur fram að starfsemin sé innan skilgreinds íþróttasvæðis Íþ9 á Álfnesi sbr. nýlega breytingu á AR2040. Þá er vitnað í skilgreiningu á landnotkun auk umfjöllunar um þau skilyrði og mótvægisatriði sem starfsleyfi skuli innihalda sbr. meðfylgjandi umsögn skipulagsfulltrúa. Í umsögninni kemur enn fremur fram að lagt sé til að heimilað verði að gefa út starfsleyfi fyrir Skotreyn til loka árs 2028, enda í öllu tekið mið að þeim kröfum og ákvæðum sem sett eru fram í AR2040 m.s.br. sbr. að ofan. Starfsemin er í samræmi við AR2040 en ekkert deiliskipulag er til staðar.

Gögn með ítarlegri upplýsingum um stál haglaskot, leirdúfur og hljóðisogsefni bárust HER í tölvupóstum dags. 13. ágúst 2024.

Greinargerð um áhrifamat á vatnshlot barst HER í tölvupósti dags. 18. ágúst 2024.

Í tölvupósti dags. 5. september 2024 ítrekar HER þá skoðun að vinna þurfi betri greiningu á kostum þess að snúa skotstefnu á fleiri skotvöllum félagsins (skotstefnu hefur þegar verið snúið að velli 4 frá N í NA) þar sem lagt væri mat á kosti þess og galla að snúa skotstefnu á fleiri völlum og hvaða árangri það gæti skilað til að minnka hávaða frá starfseminni. Í tölvupóstinum tekur HER fram að í ljósi þess að slík vinna er tímafrek sé ekki gerð krafa um að greiningin liggi fyrir áður en umsókn um starfsleyfi verði tekin til afgreiðslu en farið sé fram á að tímasett áætlun um þessa vinnu berist HER sem fyrst, þar sem miða skuli við að niðurstöður greiningar, ásamt tímasettri framkvæmdaáætlun liggi fyrir ekki síðar en 1. júní 2025. HER líti svo á að áætlunin



Heilbrigðiseftirlit Reykjavíkur

sé forsenda fyrir því að líta megi svo á að skilyrðum AR2040 sé mætt og að HER geti ekki auglýst tillögu að starfsleyfi fyrr en áætlunin hafi borist.

Svar Skotreyrn barst í tölvupósti dagsettum 4. nóvember 2024, sjá meðfylgjandi gögn. Fram kemur í svarinu að Skotreyrn leggur til að vinna hefjist við útgáfu starfsleyfis HER og þá skuli leitað eftir tilboðum til þess bættra aðila í greininguna. Einnig að unnið verði að framkvæmdum í samræmi við niðurstöður greiningarinnar á 7. og 8. mánuði frá leyfisveitingu. Jafnframt er bent á að mögulega verði starfsemin bara tímabundin og að greining og framkvæmdir verði að taka mið af þeirri staðreynd.

HER svarar Skotreyrn með tölvupósti dags. 20. nóvember. Þar kemur fram að HER telur að hraða þurfi greiningu á kostum þess að snúa skotstefnunni og vinna á styttri tíma en Skotreyrn lagði til í svari sínu þannig að framkvæmdum verði lokið innan 6 mánaða frá útgáfu starfsleyfis. Þannig komi aðgerðirnar að gagni yfir þann tíma ársins sem útvera og útivist er mest. Reikna megi með því að ákvæði í þá veru verði í tillögu að starfsleyfi. Þá upplýsir HER Skotreyrn um að í júlí 2024 tók gildi ný reglugerð um hollustuhætti nr. 903/2024. Fram komi í 1. gr. að markmið reglugerðarinnar sé að tryggja öruggt nærumhverfi og forvarnir, með áherslu á að vernda og viðhalda lýðheilsu og heilnæmum lífsskilyrðum viðkvæmra hópa og almennings. Um sé að ræða nokkra breytingu frá markmiðum eldri reglugerðar.

Tillaga að starfsleyfiskilyrðum var send Skotreyrn í tölvupósti dags. 6. desember 2024. Skotreyrn svarar með tölvupósti dags. 12. desember og ber fram spurningu varðandi ákvæði í grein 3.3 í um það hvort hægt sé að lengja í 12 mánuði tíma sem félagið hefði til að ljúka greiningu og framkvæmdum varðandi að snúa skotstefnu. Í svarpósti HER sem sendur var samdægurs kemur fram að HER hafnar því að lengja tímann í 12 mánuði. Það hljóti að vera í hag félagsins að ljúka greiningu og framkvæmdum sem fyrst til að grundvöllur sé til hljóðmælinga, og gefi niðurstöðurnar tilefni til, endurskoðunar á starfsleyfi m.a. með tilliti til opnunartíma.

Tillaga að starfsleyfi fyrir starfsemi Skotreyrn á skotvelli í Álfnesi var auglýst á vef HER 13. desember 2024 <https://reykjavik.is/heilbrigdiseftirlit/tillogur-ad-starfsleyfi-i-auglysinqu>. Auglýsingatími var til 15. janúar að teknu tilliti til hátíðardaga um jól og áramót. Tilkynning um auglýsinguna ásamt leiðbeiningum um hvar auglýsinguna og fylgigögn var að finna var send á íbúasamtök Kjalarnes, íbúaráð Kjalarnes, tvo íbúa sem hafa sent HER kvartanir vegna starfseminnar og Skotreyrn þann 16. desember 2024. Fjórir aðilar sendu inn athugasemdir við tillögu að starfsleyfi á auglýsingatíma og er gerð grein fyrir þeim sem og svari HER við athugasemdunum í greinargerð um málsmeðferðina sem er í gögnum málsins. Ein breyting var gerð á auglýstri tillögu að starfsleyfisskilyrðum við afgreiðslu umsóknar og varðar breytingin gr. 1.2. Við greinina var bætt eftirfarandi texta. „Fyrirvari er settur varðandi breytingu á gildistíma vegna framkvæmda við Sundabraut sem hefðu áhrif á athafnasvæði félagsins og breytinga á skipulagslegum forsendum vegna framkvæmdarinnar s.s. ef skilgreindri landnotkun væri breytt í skipulagsvinnu vegna framkvæmdarinnar.“

Umsókn Skotreyrn um starfsleyfi fyrir skotvöll félagsins í Álfnesi var lögð fyrir 1817. afgreiðslufund Heilbrigðiseftirlits Reykjavíkur þann 13. febrúar 2025 sem samþykkti að gefa út tímabundið starfsleyfi fyrir starfsemina til 31. desember 2028. Tilkynning um útgáfu starfsleyfis var birt á vef HER 19. febrúar 2025 <https://reykjavik.is/heilbrigdiseftirlit/utgefin-starfsleyfi-fyrir-mengandi-starfsemi>. Tölvupóstur með tilkynningu um afgreiðslu umsóknarinnar ásamt upplýsingum um kæruheimild og kæruleið var send öllum sem sent höfðu HER athugasemdir við tillögu að starfsleyfi með tölvupósti þann 19. febrúar 2025.



Kröfugerð og málsástæður:

Kröfur kæranda og málsástæður eru tilgreindar í kærinni. M.a. er það kært að HER hafi ekki séð til þess að tryggt séu hljóðvarnir sem íbúar og landeigendur hafa kvartað yfir í 17 ár. Verður þó að skilja kærana þannig að kærundur fari fram á að ákvörðun HER um útgáfu starfsleyfis fyrir starfsemi Skotreyn sé ógild.

Heilbrigðiseftirlit Reykjavíkur fer fram á að kröfum kæranda verði hafnað eða vísað frá og að úua staðfesti ákvörðun HER um útgáfu starfsleyfis fyrir starfsemi Skotreyn í Álfsnesi.

Umsögn HER:

Kæruheimild til nefndarinnar sem mál þetta byggir á er að finna í lögum nr. 7/1998 um hollustuhætti og mengunarvarnir vegna stjórnsvaldsákvörðana sem teknar eru á grundvelli þeirra laga. Umsögn þessi einskorðast við hvort hin kæranalega stjórnsvaldsákvörðun sem málið fjallar um, útgáfa starfsleyfis, sé ógildanleg. Aðrar athugasemdir kæranda sem snúast ekki um kæranalegar stjórnsvaldsákvörðanir verða ekki teknar til umfjöllunar.

Hávaðamál:

Samkvæmt 1. gr. laga nr. 130/2011 um úrskurðarnefnd umhverfis- og auðlinda-mála er það hlutverk nefndarinnar að úrskurða í kærnumálum vegna stjórnsvaldsákvörðana og í ágreinings-málum vegna annarra úrlausnatriða á sviði umhverfis- og auðlinda-mála eftir því sem mælt er fyrir um í lögum á því sviði. Tekur úrskurðarnefndin því lögmati kærðrar ákvörðunar til endur-skoðunar en tekur ekki nýja ákvörðun í málinu eða leggur fyrir stjórnvöld að framkvæma til-teknar athafnir. Samkvæmt framangreindu fer HER fram á að úrskurðarnefndin vísi frá kröfu kæranda um ógildingu á mælingum á hávaða eða kröfu um nýjar mælingar enda ekki um kæranalega stjórnsvaldsákvörðun að ræða. Fallist nefndin ekki á þá kröfu HER er farið fram á að kröfu kæranda sé hafnað á grundvelli eftirfarandi röksemda.

Starfsemi skotvalla fylgir gjarnan hávaði og ónæði. Í íslenskum lögum og reglugerðum eru ekki viðmið fyrir hávaða fyrir starfsemi af þessum toga. Í reglugerð nr. 724/2008 um hávaða er t.a.m. einungis fjallað um hávaða frá umferð ökutækja, flugumferð, atvinnustarfsemi, vegna framkvæmda og á samkomum. Í öllum tilvikum eru gefin upp viðmiðunarmörk fyrir hávaða fyrrnefndra þátta út frá jafngildishljóðstigi (LAeq). Þá er heilsuspillandi hávaði einungis skilgreindur í 7. gr. reglugerðarinnar samkvæmt jafngildishljóðstigi. Hávaðareglugerðin veitir því hvorki leiðbeiningar um mælingu heilsuspillandi hávaða þegar hávaðinn stafar frá öðru en ofangreindum þáttum né heimilar hann notkun annarra mæliaðferða en jafngildishljóðstigs.

Samkvæmt 11. gr. hávaðareglugerðarinnar skal Umhverfisstofnun gefa út leiðbeiningar um mæliaðferðir við hljóðmælingar vegna eftirlits. Á heimasíðu Umhverfisstofnunar má finna þær leiðbeiningar sem stofnunin hefur gefið út um hljóðvistarkröfur á grundvelli fyrrnefndrar reglugerðar.¹ Í samræmi ákvæði reglugerðarinnar byggja þær aðferðir á jafngildishljóðstigi og leiðbeina um aðferð og útreikning við hljóðmælingu. Viðmiðunarmörk fyrir leyfilegan hávaða eru hins vegar ávallt fengin úr viðauka við hávaðareglugerð. Niðurstaða mælinga sem framkvæmdar eru samkvæmt leiðbeiningum Umhverfisstofnunar eru því bornar saman við útgefin viðmiðunarmörk hávaðareglugerðarinnar og þannig fengin niðurstaða hvort um heilsuspillandi hávaða sé að ræða eða ekki.

HER leitaði til Umhverfisstofnunar um leiðbeiningar varðandi það hvaða mæliaðferð bæri að nota í þessu tilviki. Umhverfisstofnun mælti með því að notuð yrði sænska mæliaðferðin



Heilbrigðiseftirlit Reykjavíkur

Almänna ráð om buller från skjutbanor sbr. tölvupóst frá UST dags. 11.03.2022. Þá aðferð er ekki að finna í útgefnum leiðbeiningum Umhverfisstofnunar. Þá verður ekki séð að íslenskt regluverk styðji notkun þeirra mæliaðferðar jafnvel þótt hana væri að finna í útgefnum leiðbeiningum Umhverfisstofnunar þar sem hún byggir á að meta hávaðavísi sem ekki eru tilgreind viðmiðunarmörk fyrir í hávaðareglugerð. Þar af leiðandi eru ekki forsendur til að meta hvort að niðurstöður slíkrar mælingar sýni heilsuspillandi hávaða eða ekki þar sem mörkin vantar. Þar að auki er áhrifasvæði skotvallanna að meginhluta skilgreint landbúnaðar- og opið svæði í AR2040, einnig þar sem sumar- og íbúðarhús eru staðsett, en hvorki íbúðarbyggð né frístundabyggð. Í reglugerð um hávaða eru ekki skilgreind mörk fyrir hávaða á landsbúnaðar- eða opnum svæðum samkvæmt skilgreindri landnotkun.

Eins og fram kemur hér fyrir ofan mælti Umhverfisstofnun með því að HER notaði sænska mæliaðferð. Þrátt fyrir það hefur það komið fram í samskiptum HER og UST vegna skotvalla og annarra mála að starfsmenn UST hafat tekið undir þá skoðun starfsmanna HER vafi leiki á því að hægt sé að byggja kröfur í starfsleyfi á mæliaðferð sem ekki hafi skýra tilvísun í lög eða reglugerð.

Sú mæliaðferð sem vísað er til í leiðbeiningum fyrir hljóðmælingar við eftirlit (UST 2011), sem gefnar eru út í samræmi við ákvæði 11. gr. reglugerðar nr. 724/2008 um hávaða, er ekki hentug til mælinga á hávaða frá skotvöllum þar sem hún byggir á jafngildishljóðstigi, ekki augnablikshávaða (impulse). Það hefur HER bent á og tekið undir með öðrum sem hafa gagnrýnt mæliaðferðina og segja hana ekki gefa rétta mynd af hávaða frá skotvöllum. HER telur þó ekki að hægt sé að byggja stjórnvaldsákvörðun líkt og íþyngjandi kröfur í starfsleyfi á mælingum samkvæmt annarri mæliaðferð en þeirri sem vísað er til í leiðbeiningum sem gefnar voru út með stoð í reglugerð um hávaða. Ekki má gleyma að fari HER út fyrir valdsvið sitt í íþyngjandi kröfugerð á starfseminu getur rekstraraðili kært ákvörðun HER um útgáfu starfsleyfi, jafnt og þeir sem telja starfseminu sér íþyngjandi, og þarf HER að gæta meðalhófs í kröfugerðinni í starfsleyfi. Á meðan ekki eru gerðar breytingar á regluverkinu fylgir HER þeim leiðbeiningum sem er að finna í núverandi regluverki. HER tekur því í sjálfu sér undir orð kæranda að kjarni málsins sé að enga skilgreiningu er að finna í lögum og reglugerðum á Íslandi varðandi hávaða frá skotæfingasvæðum, nánar tiltekið um „hvernig“ skuli mæla slíkan hávaða.

Síðustu misseri hefur verið unnið að breytingum á reglugerð um hávaða. Í þeirri vinnu hefur HER ítrekað bent á þörf á því að skýra regluverkið með tilliti til starfsemi/hljóðmælinga sem ekki falla undir núverandi reglugerð. Í þessu sambandi er vert að benda á gr. 1.4 í starfsleyfis skilyrðum fyrir starfsemi Skotreynd að endurskoða skuli starfsleyfið ef breytingar verði á viðkomandi reglugerðum. Þ.a.l. gerir HER ráð fyrir að endurtaka verði hljóðmælingar verði breytingar á reglugerð um hávaða.

HER hefur ekki framkvæmt nýjar hljóðmælingar þar sem ekki hafa orðið breytingar á starfsemi, mengunarvörnum eða staðháttum sem kallar á nýtt mat að svo stöddu. Allar líkur eru á að nýjar mælingar myndu skila sömu eða sambærilegum niðurstöðum og áður. Þá má benda á að frá því starfsemi hófst á grundvelli bráðabirgðaheimilda Umhverfisstofnunar í september s.l. hafa aðstæður til hljóðmælinga verið mjög óhagstæðar vegna veðurs og nagladekkjanotkunar sem eykur umferðarhávaða, enda eru hljóðmælingar alla jafna framkvæmdar á sumrin þegar aðstæður eru hagfelldar. Komi fram nýjar kröfur í reglugerðum og/eða farið verður í úrbætur á skotsvæðinu t.d. með færslu skotstefnu, mun það kalla á nýjar mælingar.



Heilbrigðiseftirlit Reykjavíkur

Tilgangur með vöktunaráætlun vegna hávaða er að fylgjast með hvort starfsemin haldi sig innan þess ramma sem henni er settur í starfsleyfi. Best er að ná fram því markmiði með reglubundinni sívöktun inni á skotsvæðunum. Bæði viðurkennd mæliaðferð og eins sænska mæliaðferðin sem bent hefur verið á krefst þess að unnið sé með rekstaraðilum við að setja upp mælingu með ákveðnum hætti, við staðalaðstæður. Með sívöktun er unnt að fylgjast með því hvort opnunartíma sé fylgt og fá mat á notkun. Síðmælingar við íbúðarhús sem eru sum í um tveggja kílómetra fjarlægð gefa takmarkaðar upplýsingar þar sem ríkjandi umhverfishávaði á svæðinu er umferðarhávaði frá Vesturlandsvegi. Erfitt er að greina ónæði frá skotsvæðum frá ríkjandi hávaða í gögnunum. Í viðbót við síðmælingar á athafnasvæði er hægt að gera skipulagðar, staðlaðar mælingar á völdum stöðum, til að meta árangur aðgerða eða kanna möguleika á breytingum til að draga úr ónæði.

Athuga þarf að þegar mældur er hávaði skv. viðurkenndum mæliaðferðum þurfa ákveðnar staðarveðuraðstæður að vera til staðar, auk þess þarf að vita nákvæmlega hvaða búnað er verið að nota, hvernig skot og hver skotstefna er. Ekki er unnt að framkvæma staðlaða mælingu hvenær sem er eða án vitneskju og samvinnu rekstraraðila.

Að því er varðar umfjöllun kæranda um hljóðmælingar HER á Álfnesi til ársins 2008 þá er þar ekki um kæranlegar stjórnvaldsákvarðanir að ræða. Verða þær athugasemdir kæranda því ekki teknar til umfjöllunar af hálfu HER. Þá er í kæru vísað til kvaðar á fasteigninni að Skriðu en HER kom ekki á neinn hátt að sölu á viðkomandi húsnæði né getur svarað fyrir það mál.

Samantekt:

HER telur að rétt hafi verið staðið að veitingu starfsleyfis fyrir skotvöll Skotreyn í Álfnesi. Við vinnslu málsins hefur HER gætt að öllum lagalegum skilyrðum er varða útgáfu starfsleyfa. Einnig hefur HER gætt að og fylgt málsmæðferðarreglur stjórnsýsluréttarins í hvívetna. Að öllu framansögðu fer HER fram á að nefndin hafni öllum kröfum kæranda og staðfesti ákvörðun HER um útgáfu starfsleyfis fyrir skotvöll Skotreyn.

Áskilnaður:

Heilbrigðiseftirlit Reykjavíkur áskilur sér rétt til þess að svara frekari málsástæðum kæranda á síðari stigum málsins ef til þess kæmi.

Virðingarfyllst
f.h. Heilbrigðiseftirlits Reykjavíkur

Magnea Lillý Friðgeirsdóttir
lögfræðingur

Guðjón Ingi Eggertsson
deildarstjóri umhverfiseftirlits

